

**RG MUGABE PRIMARY SCHOOL EXAMINATIONS
GRADE 7 SHONA PAPER 1
MOCK EXAMINATION 2020**

MIRAIRO KUVANYORI:

1. Verenga mirairo yebvunzo usati wanyora
2. Usavhura bepa rebvunzo usati wapiwa mvumo
3. Shandisa penzura yemhando ye HB chete pane zvauchanyora pabepa rekupindurira mibvunzo
4. Kwizira chibhokisi chimwe chete chinomirira mhinduro sezkaitwa pamucherechedzo uri pamusoro pebepa rokupindurira
5. Kana waona kuti wakanganisa dzima zvipere zvose wozokwizira pane mhinduro yakanaka
6. Ukakwizira mabhokisi maviri kana kudarika unenge watadza
7. Kana usina kunzwisia mirairo iyi bvunza mudzidzisi akutsanangurire usati watanga kunyora
8. Pindura mibvunzo yose pabepa rekupindirira mibvunzo

Verenga nyaya iyi ugopindura mibvunzo inotevera

Ndiri kutsvaga hwai dzangu .Hwai idzi dzakatengwa nemujaya wangu ari Harare.

Chiri pamuchena chiri pamutentre mukuru wangu.Ndiyo yaive pfuma yake yokutanga iyoyi. Hwai idzi dzakatandaniswa nembwa ndokupumhuka zvokutetereka nesango.

“Asi imi ndakuzivai ndakambosvika pano ndichisunza gore renzara. Makandipa chokudya nepokurara.”VaMakore vaitaura vakatarisa kuuso kwaVaNyikadzino.

- 1.”Mujaya wangu anobata kuHarare “zvinoreva kuti
A. kusunza B. anogara C. anotetereka D. anoshanda
- 2.Tsumo yokuti, ‘chiri pamuchena chiri pamutentre inoreva kuti.....
A.murombo anogara ari murombo
B. murombo haaite chinhu chinobudirira

C. murombo anofanira kugara akadaro
D. murombo munhu

3. Kazhinji munhu anotaura newe akakutarisa kumeso anenge.....

- A. achitaura zvemanyepo
- B. achitaura chokwadi
- C. asina chokwadi nezvaanotaura
- D. achitaura zvisina maturo

4. Chiri kunzi ‘ndiyo pfuma yake yokutanga’ chii ?

- A. imbwa
- B. kusunza
- C. mari
- D. makwai

5. Pedzisa chirevo ichi Hwai nembwa.....

- A. zvinotamba zvose
- B. hazviwirirane
- C. zvinogara pamwe
- D. zvinofarirana

SARUDZA IZWI RAKAKODZERA

6. Amai Nyikadzino vakarima.....yenzungu gore rino.

- A. bundu
- B. doro
- C. tseu
- D. gombo

7. Mwana wehanzvadzi yako unomuti ani?

- A. sekuru
- B. muzukuru
- C. ambuya
- D. tete

8. Muchimbuzi maitikunhuwa.

- A. pu
- B. kutu
- C. tundu
- D. bvu-u

9. Mbavha yakarohwa se.....

- A. imbwa yapinda mumba
- B. nyoka yapinda mumba
- C. dhongi
- D. mombe dzakasungwa

DUDZIRA CHIRAHWE ICHI NEIZWI RAKAKODZERA

10. Rakazvirova rikazhamba.

- A. benzi
- B. gudo
- C. dhongi
- D. jongwe

11. Mombe itsva mudanga inonzi

- A. tsiru
- B. njeni
- C. dore
- D. handira

VERENGA UGOPINDURA MIBVUNZO

Zvomoenda kuzvikoro zvenyu vana
Muzvibate sevana vakabva kuwanhu
Zvetsika nemagariro makanzwa vatete
Kana ivo vaitaura vana sekuru
Kuti idzo tsika ndihwo unhu hwedu
Kudzidza kukuru muupenyu vana
Ndikoka kugadzirira hwenyu hwamangwana
Kuti musvinure mugova vapenyu
Ndotaura zvino sababa venyu
Kunongedzwa mangwana ndiko ndisingadi
Ndivete zvangu muchuru mune rangu
Ndaenda zvachose kunyikadzimu

Dzidzai vana,dzidzai nawose moyo itai
Zivai vanangu chizivai zvino
Kuti iyo dzidzo iyi inhaka youpenyu
Madai kutarisana nayo chiitai
Vabereki munavo vakati zvishoma dzidzei
Chizamaiwozve mungoti isu kundei
Tinganwisa ani fundo yedu setinei,
Hazvigoni izvo vana chokwadi kwete
Sokuti pakufa yedu misoro tinoti hendei

12.Detembo riri pamusoro pei?

- A. kuyambira B. kushora C. kutsutsumwa D. kutuka

13.Vana vakabva kune vanhu vanenge vakaita sei?

- A. vaine dzidzo B. vaina tete vavo
C. vaine tsika dzakanaka D. vakabva mumaruwa

14.Zvetsika nemagariro vakanzwa kuna ani?

- A. kuchikoro B. kuna tete na sekuru
C. kuvabereki D. kuna baba

15.Kana munhu aenda kunyikadzimu anenge aita sei?

- A. afamba rwendo B. aenda mhiri kwamakungwa

C. avete zvake C. afa

16. Vana vataurwa nemudetembi iri vari kuenda kupi?

- A. kunoroorwa B. kuchikoro
C. kunyika dzimu D. kumba kwatete

17. Kunongedzwa handidi zvinorevei?

- A. kudenhwa B. kufarirwa C. kushorwa D.
kupembedzwa

MUTAURO

18. Baba vakatenga shangu dzavodzokupfeka.

- A. nhema B. tema C. dzitema D. zvitema

19. Akasangana neshamwari yaive yabudirira mubvunzo
akamuti,”.....shamwari wakazviita.”

- A. nematambudziko B. makorokoto
C. wakarova D. ndizvozvo

MAZWI MUUZHINJI

20. Rukukwe. A. makukwe B. hukwe C. mazikukwe D. rakukwe

MAZWI ANOREVA ZVAKAFANANA NERAKATARWA

21. Ambuya vaenda kundochera madima.

- A. tsenza B. nyimo C. mbambaira D. matapiri

MAZWI ANOPIKISANA NERAKATARWA

22. Akatenga mukaka wakakora

- A. mutuvi B. weruomba C. zifa D. mumbishi

23. Mucheka uyu wakaoma.

- A. wakatota B. mutsvuku C. wakareba D. wakapfupika

VANA VEMHUKA

- 24.Chiva ...A. datya B. buruvuru C. nzvenzvana D. tikinya

VERENGA UGOPINDURA MIBVUNZO INOTEVERA

Kareko vana vaitandadzwa zvavo manheru vachitamba panze vakawanda vakaungana pajenaguru.Vaitamba izvi uri mwedzi muchena.Kumafuro vakomana vaiwana mufaro vachitandadzwa nemitambo yakaita sejchere uye manhureture vachishandisa miseve.Vaikandawo tsvimbo kana matombo vachiedza kuzvirova zvisati zvadona pasi ichinzi horikotyo. Panguva yekusununguka kwavo vasikana vaitamba nhodo kana kuti magoga. Vamwe vaitamba arauru kana kuti pada. Vakomana zvekare variko kumombe vaitamba tsoro dzakasiyana siyana dzinosanganisira mutate,juja uye dzemakomba.Vemazuvano mirangariro yavo iri pazvivhitivhiti,nhare dzokufamba nadzo uye michina yemakombuyuta. Vanenge vachibaya baya vachizvitinya tinya nekuzvidzvanya dzvanya.Vamwe ndivo vanenge vakaisa tambo dzemhanzi munzeve kubva kunhare dzavo.

25. Mwedzi muchena unonzi chii?

- A. kareko B. kuungana C. manheru D. jena-guru

- 26.Vakomana vekumafuro vaitamba mutambo yemiseve inonzi ?

- A. mutate,juja,dzemakomba
B. arauru kana kuti pada
C. kukanda horikotyo
D. jecherere uye manhure ture

- 27.Mundima rimwe izwi rinoureka kuti nhodo ndi.....

- A. magoga B. pada C. arauru D. horikotyo

- 28.Kumafuro kunoitwei?

- A. Kunofudzwa mombe B. ndekwe vanhu vekare
C. Kujena guru D. Kumwedzi muchena

- 29.Michina inoshandiswa kuonerwa bhaisikopu,mufananidzo kunzwa vaimbi iri mundima inosanganisira

- A. manhungetunge uye techerere nehorikotyo

- B. vemazuva ano netambo dzemunzeve
- C. zvivhiti vhti,makombuyuta nenharembozha

ZADZISA NEIZWI RAKAKODZERA

- 30.Nhopi.....yakabikwa nemafer.
- A. idzi B. iro C. iyi D. awo

- 31.Twana.....twakashama

- A. utwu B. uto C. ako D. izvi

NDEUPI MUTSARA WAKANYORWA ZVAKANAKA

- 32.A.Goronga iro rinemvura.
- B. Gorongairo rine mvura.
- C. Goronga iro rine mvura.
- D. Goronga irorine mvura.

CHIREVO CHAKAUMBWA ZVAKANAKA

- 33.A.Kunze kuri kubvubvuta.
- B. Kunze kuri kuvuvuta.
- C. Kunze kuri kuvhuvhuta.
- D. kunze kuri kuhvuhvuta.

- 34.A. Mombe anodya uswa.

- B. Wana wacho vanofarira chingwa
- C. Twuchembere twaiona nhabvu.
- D. Zigomana icho chinofara

ZADZISA SEKUTAURA KWEDU

- 35.Nyama yakaomeswa inonzi?
- A. mutetenerwa B. chimukuyu C. munya D. mufushwa

- 36.Munhu asingataure anonzi

- A. bofu B. mhetamakumboC. chimumumu D.matsi

ZADZISA TSUMO DZINOTEVERA

- 37.Mugoti unopiwa
- A. anoseka B. anobika C. anyerere D.mugoni

38.Totenda dzamwa dzaswera

- A. natenzi B. nebenzi C. nemufudzi D. nepwere

SARUDZA ZVIREVO ZVAKANYORWA ZVAKANAKA

39.A. Munoti anouya nhasi here Chido akabvunza.

B. Munoti “anouya nhasi here?”Chido akabvunza.

C. “Munoti anouya nhasi here?”Chido akabvunza.

D. “Munoti anouya nhasi here?,”Chido akabvunza.

40.A. Ndakatenga bhutsu,ndiro,mabhuku,nechingwa.

B. Ndakatenga ,bhutsu,ndiro,mabhuku nechingwa.

C. Ndakatenga bhutsu,ndiro,mabhuku nechingwa.

D. Ndakatenga bhutsu ,ndiro mabhuku nechingwa.